

Inatsisartut suleriaasianni § 37, imm. 1 naapertorlugu Naalakkersuisunut apeqquut imaattoq matumuuna saqqummiuppara:

Naalakkersuisunut apeqqutit:

- 1. Pigisamik aalaakkaasumik piginnaatitaaffimmik imaluunniit nunaminertamik atuisinnaatitaanermik pissarsinermi ukiut tallimat siuliini aalajangersimasumik najugaqarsimanissamik piumasaqaateqalernissaq, nunaminertamik atuisinnaatitaanissamut akuersissutit sivisunerpaamik ukiuni qulini atuuttarnissaat kiisalu ataavartumik nuunnermi piginnaatitaaffiup atorunnaartarnissaa pillugit inatsisissatut siunnersuummik, nalunaarutini pisariaqartunik ilitsersuutinillu suliaqarnermut allaffissornikkut isumalluutini qanoq annertutigisumik atuinissaq, AC-mut sulisut ukiumut sulinerisa annertussusiattut koruuninngorlugulu naatsorsorlugu, Naalakkersuisut naliliippat?**
- 2. Piumasaqaatit atuutilersinneqarneranni, uppersararneqartarneranni nakkutigineqartarnerannilu Naalakkersuisut, kommunit kiisalu nalunaarsuiffiit oqartussalluunniit attuumassutillit ataasiartumik aningaasartuutissaat ingerlaavartumillu allaffissornikkut kingunerisassa qanoq annertutigisut naatsorsuutigineqarpat?**
- 3. Suliassaq aningaasaliissutit pioreersut iluanni ingerlanneqarsinnaava, aamma aaqqissuussinerit assingusut, siusinnerusukkut inatsisiliornerit imaluunniit § 37 naapertorlugu akissutit siusinnerusukkut tunniunneqarsimasut sorliit, Naalakkersuisut naliliinerat naapertorlugu, isumalluutini atuinissap missiliorneqarneranut tunngavissatut atorneqarsinnaappat?**

(Inatsisartunut ilaasortaq Pele Broberg, Naleraq)

Tunngavilersuut:

Apeqqutit UKA 2026-imut piareersarnermut atatillugu saqqummiunneqarput. Siunertarineqarpoq siunnersuutip aningaasaqarnikkut allaffissornikkullu kingunerisassaanik sukumiinerusumik nalilersuinissamut pisortatigoortumik tunngavissaqarnissaq. Siunnersuummi maannamut mianersortumik missiliuinermi AC-mut sulisut pingasut ukiumut sulinerannut, tassa 1,5 mio. kr.-it missaannut, naapertuuttumik isumalluutini atuinissaq naatsorsuutigineqarpoq. Missiliineq inatsisissatut siunnersuummik nalunaarutinillu suliaqarnermut, ilitsersuineri kiisalu oqartussani arlalinni suleriaatsinik allanngortitsineri tunngaveqarpoq.



Apequtigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.